

## Ess gibt schlimmern Sache

Weil doo drauße hinner de Wissemiehl singe ewe so vill Veechel – hosde die Nachtigale geheert?

Ei klar, sächts Kättche, unn enn Guckuck hott gerufe unn enn Pirol aach. Der heeßt zwar Pingstvochel, awwer der iss jetz schunn doo.

Ich moon: Om meisde freu ich mich awwer iwwer die Turteldäubcher. Wenn ich die heer, erinnere ich mich droo, wie ich als Kind mettem Ruppertsvadder ins Feld gefahrn bin, dess war so die ersd Voichelstimm, uff die de Opa mich uffmerksam gemacht hott. Wenn ich heitzedaach die Turteldäubcher heer, erinnere ich mich immer noch, wie ich uffem Waache newerm Opa gesetze habb, die Kuh devor, die uns gonz langsam ins Feld unn wider hoom gebrocht hott.

ölf.

Honnes, sächts Kättche, aach unser Enkel misses nemme wies kimmt. Wenn die emol groß sinn, was werrds doo gewwe, was moonsde, Honnes?

Ich waaß ess nit. Ich hoff nor, dass die sich aach emol droo erinnern, was ihr Oma oder ihrn Opa ihne erzählt hott.

Mir gehn efter esse unn was mir dehoom sparn, doodefoo lewe merr die gonz Woch!

Eiern Honnes